



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus III. Quis in causis matrimonialibus sit Judex competens?

[urn:nbn:de:hbz:466:1-73058](#)

ARTICULUS III.

*Quis in causis matrimonialibus sit
Judex competens?*

Quæstio 1. est, quis sit Judex competens, quando in causa matrimoniali oritur quæstio juris super ejus *valorem*? lictio contractu? dissolutione? firmitate? Resp. quod solus *Judex Ecclesiasticus*. 1. quia in Trid. *Seff. 24. de matrimonio. can. fin.* expressè dicitur: *Si quis dixerit, causas matrimoniales non spectare ad Judices Ecclesiasticos, anathema sit.* 2. *Laicus nulla est de spiritualibus disponendi facultas.* c. *Tua. i. de Decimis:* cause autem matrimoniales (in quantum concernunt valorem, firmitatem, lictum contractum, conjugii, vel dissolutionem) spirituales sunt; matrimonium enim fidelium est Sacramentum; consequenter ex quæstiōnē (an matrimonium sit lictum, validum, firmum, aut dissolvendum?) attingunt ipsum Sacramentum: ergo. Nec valeat ea distinctio, quā dicunt, matrimonium est quidem spirituale, in quantum est sacramentum, concedi; in quantum est contractus mere civilis, negari. Hinc, licet concedant, Laicos nihil posse disponere circa matrimonium, in quantum est sacramentum; negant, eos nihil posse circa illud, in quantum est contractus mere civilis. Hæc, inquam, distinctio non valeat.

Nam aliud est, quod matrimonium, sit contractus civilis, manens contractus mere civilis; aliud, quod sit contractus civilis, non manens contractus mere civilis, sed evadens contractus sacramentalis, ex institutione Christi. Sic materia Sacramentorum, & aliarum rerum Sacratum, in multis est res temporalis, corporea, & mere materialis secundum se; tamen actione confectionis, forme sacramentalis, unctionis, benedictionis, per potestatem Ecclesiasticam ordinatae ad finem supernaturalem sic evadunt spirituales, ut sint extra omnem potestatem Laicorum, imò nec possideri ab eis possint, ut diximus alibi, & fert communis, etiam ipsorum, confessione; quia scilicet facta tali accessione non amplius manent mere temporales: Ergo.

Tom. IV.

Ex hoc colliges, falsum esse hoc in- 1507, definitum pronuntiatum laicorum, qui dicunt: *res istæ sunt res temporales; ergo subsunt dispositioni Laicorum, quorum est disponere de temporalibus; sicut Ecclesiasticum, de spiritualibus.* Nam sic, indefinitè sumptum, est certò falsum; alias possent etiam directè disponere, de multis Sacramentis, quorum materia ex se, *& antecedenter ad formam Sacramentalē est res temporalis, quod tamen omnino falsum est, in casu, quod jam subsit rationi Sacramenti; quia tunc non amplius manet purè temporalis; at hoc procedit de qualibet re temporali, qua annexivè est spiritualis; ergo.* Niisi ergo limitent ad purè temporalia, nec extendant ad annexivè spiritualia, omnino falsum est ejusmodi pronuntiatum indefinitum.

Not. autem, hic per *Judicem Ecclesiasticum*, intelligi Episcopum &c. & accessitibus. 12. de Excessibus Prelatis. Harum causarum cognitio delegari potest etiam Inferioribus Prælatis. *Covarr. iii. q. decretal. p. 2. c. 8. §. 12. num. 1.* & ex privilegio, vel consuetudine legitimè præscripta, etiam aliis, quam Episcopis, sed solis Ecclesiasticis. Trident. *Seff. 24. c. 12.* quod tamen sic accipe, ut hæ causæ non possint comprimiti in arbitrum, vel arbitrariet Laicū, aut ab arbitrī laicis (etiam incidenter ex Nutr. 1470.) decidī, vel transactione definiti; ut rectè notat Covarr. in 4. p. 2. c. 8. §. 12. à n. 8. quia jus cognoscendi, & terminandi has causas est jus spirituale, consequenter jurisdictionis tantum Ecclesiasticae. Illud hic adde, Vicarium generalem Episcopi constitutum, (sine commissione speciali) non posse causas matrimoniales cognoscere, aut tractare, ut notat Barbos. p. 3. de Potestate Episcopi, allegat. 54. n. 94.

Quæstio 2. est, an *Judex Laicus* in 1509, causis matrimonialibus sit competens, quando agitur de pura quæstione facti? ut si agitur de punitione adulterii, incestus, allorumque criminum, quæ sunt contra sanctitatem matrimonii? Resp. cum ejusmodi delicta sine mixta fori, dari locum præventioni; adeoque cognoscere poterit, qui prævenitur, sive Ecclesiasticus, sive secularis. Similiter si sit quæstio

Bbb 2

soluta

solum defacto, an matrimonium sit contractum, vel an sit contractum in facie Ecclesiae, vel clam? Judex Secularis de illa cognoscere poterit; excipe, nisi questio facti resolvatur in questionem juris, ita ut quæstio sit de sensu Canonis, seu legis Ecclesiastice, quid sit matrimonium clandestinum &c. Sic Tannerus Tom. 4. D. 8. q. 4. dub. 9. à n. 166. & alii.

1510.

Quæstio est 3. an Judex Laicus in causis matrimonialibus sit competens, quando agitur de successione, seu hæreditate? Resp. affirmativè. Nam istæ sunt causæ mèrè temporales, si de illis præcisè agatur: Nam si de illis morta quæstio penderet à quæstione incidente de iustis natalibus? ex dictis supr. constat, quid in hoc casu sit resolvendum? Ratio sumitur ex c. Lator. 5. Qui filii sint legitimi, ibi: si verò intra duos menses presfatus H. non poterit probare legitimè, quod objectit, extunc seculari domino, sub cuius judicio de hæreditate causa veritius, intimetis: ut pro quæstione nativitatibus non dimitiat, quin causam super hæreditatem audiat, & decidat, & c. Causam. 7. eod. ibi: nos attendentes, quod ad Regem pertinet, non ad Ecclesiæ de talibus possessionibus judicare, ne videamus juri Regis Anglorum detrahere, qui ipsorum judicium ad se asservi pertinere. Fraternitati vestræ mandamus, quatenus Regi possessionibus judicium relinquentes, de causa principali videlicet; utrum autem Mater predicti R. de legièrmo sit matrimonio nata? plenius cognoscatis, & causam hujusmodi terminetis; licet incongruum videatur, ut matrimonium genitricis præfati R. imperatur, quod eā vivente non fuit (ut dicitur) impeditum.

1511.

Quæstio est 4. quis sit Judex competens in lite de divorcio? Resp. 1. si agatur civiliter de divorcio quoad separationem vinculi conjugalis, competentem esse solum Judicem Ecclesiasticum. Ratio est ex num. 1505. Nam sic agitur de valore matrimonii, & causa canonica nullitatem declarandi; ut constat ex c. Porro 13. de divorciis, quod adeò verum est, ut etiam si impedimentum dirimens (v. g. parentela) esset publicum & notoriū, abs judicio Ecclesie, Vir ab Uxore, vel econtra, separari non possit. Textus

c. Porro, sic habet: porro de comite Pontini, qui B. Uxorem suam, abs judicio Ecclesie dimisit, quia eam cognatam fuisse Uxor is defunctæ proponit, prudenter tua cognoscat; quod, si etiam parentela esset publica & notoria, abs judicio Ecclesie, ab ea separari non potuit: quare ipsum ad eam recipiendam, quæ petit restitucionem ipsius, districte compellas; quam si recipere noluerit, eum, & superinductam, vinculo excommunicationis adstringas. Præterea de H. qui cognatam suam duxit Uxorem: respondemus, quod non aparentibus accusatoribus de parentela manifesta seu publica existente (quod credibile non est, nisi essent in primo gradu, vel secundo) tui officii interest matrimonia illa adhibita gravitate dissolvere, que illicitè contracta noscuntur.

Et ideo Judex Laicus, autoritate sua citans, vel examinans causam matrimonii, & separans ejusmodi conjuges, incurrit excommunicationem 17. in bulla Cænæ Domini, latam contra eos, qui usurpant jurisdictionem ratione benefici Ecclesiastici, extensam ad omnem usurpationem jurisdictionis Episcopalis, quæ talis, ut notat Filiuci tr. 13. c. 8. n. 213. Castropal. p. ult. d. 3. p. 18. & alii. Usurpare enim jurisdictionem alienam, est, il lam sine justo titulo sibi appropriare, exercendo illius actus, vel de objecto ejus proprio disponere. c. penult. 14. qu. 5. at jurisdictione, & potestas dirimenti de matrimonio invalida, est jurisdictione propria Episcopi quæ talis, ex num. 1505. ergo. Et quoniam actus citandi, & juridice remittandi ad cognoscendum de impedimento matrimonii contracti, aut contrahendi, quod accusatur, vel denunciatur, sunt quoddam initium judicij super valorem matrimonii, probato impedimentoo dissolvendi, si contractum est; vel impediendo, si de contrahendo agitur, ut constat ex c. final. Instit. de poen. temp. litig. ac Andr. Gail. lib. 1. obseruat. 43. num. 1. ejusmodi actus à laicis in hac causa exerciti æquè, ac ipsum judicium cadit sub eam poenam.

Quæstio est 5. an Laicus sit competens in causa divorciis quoad solam separationem à thoro, & cohabitatione? Resp. vel queritur, an causa (propter quam inten-

intentatur lis divorci) sit sufficiens ad deobligandum innocentem ab obligatio-
ne thor? vel, an ea causa data sit, & exi-
stat? si secundum? cum sit mera quæstio
facti, constat ex dictis; si primum? con-
stat à num. 1505. Nam hæc obligatio
nascitur ex contractu sacramentali, cuius
cognitio tam quoad vinculum contrahen-
dum, vel contractum, quam dissolven-
dum, est annexa jurisdictioni Sacrae.

1514 Quæstio est 6. quis sit Judex com-
petens, quando agitur de amittenda
dote, vel præstandis alimentis in casu di-
vortii? Resp. considerandum; an lis sit
principaliter de dote vel alimentis, aut
solum accessoriæ? si secundum? de iis ju-
dicatis, ad quæ pertinet causa principali,
ut constat ex c. Prudentiam, de offic.
Episcop. Jud. deleg. Explorati enim juris
est, ut quibus principale committitur,
& accessoriū committatur. Et ideo
Clemens III. in c. de Prudentia. 3. de dona-
tion. inter Virum & Uxorem, aperte dixit:
Vos, qui principaliter de matrimonio cogno-
scitis, & de dote (qua est quid accessio-
riū seu consequens) accessoriæ cognoscere
valnistis, ubi Gloss. V. Accessoriæ, in-
definitè ait: qui cognoscit de principali, co-
gnoscere debet de accessorio.

Dixi, quando non principaliter agi- 1515.
tur de dote, posse de illa cognoscere illum,
qui de principali de jure cognoscit, si quæ-
stio est solum accessoria, & quid conse-
quens; non autem si sit incidentis juxta
num. 1465. & seqq. nam etsi, quando
principaliter apud Judicem Laicum mo-
vetur quæstio hæreditatis, & incidit quæ-
stio de justis natalibus, quorum opposi-
tione quis in causa principali inquietatur,
Judex Laicus, nec incidenter de hoc co-
gnoscere potest ex num. 1470. tamen, si
principaliter de illa agitur, vel solum in
quæstione emergente, probabilius est, co-
gnitionem illius cause, pertinere ad tri-
bunal Laicum; ita Sanchez lib. 10. hic D. 8.
num. 19. Quia sic dicitur, & alimenta con-
siderantur solum, ut debita ratione con-
tractus, sine ordine ad rationem Sacra-
menti; aut alio titulo mercè civili. Et ideo
in casu, quo Uxor repetit dorem à Viro,
vel saltem cautionem propter periculum
eam amittendi, Viro ad egestatem incli-
nante virtute suo, aut simili periculo, in tri-
bunali Laico ea quæstio agenda est; quia
fundatur in titulo mercè natu-
rali, & civili.

() () ()

QUÆSTIO XIX.

In Titulum XIX. De divorciis.

Non agimus hic de variis di-
vorticiorum generibus olim
apud Romanos, videndis
apud Gonzalez in c. t. b. t. &
num. 11. Nam alia diceban-
tur divorcia ex bona gratia, nimirum mu-
tuo consenu, vel propter Sacerdotium, aut
Monachatum suscepimus; propter sterili-
tatem, invaleitudinem, impotentiam,
militiam &c. alia ex falso, quæ scilicet
non erant divorcia vera, sed simulata, ex
causa dissensionis non perpetuae, manente
nimirum conjugii vinculo; sed his præ-
termisssis:

1516. Divortium, ut docet Sylvest. V. eodem,
est Viri ab Uxore vel Uxoris à Viro legitim-

ma separatio, nimirum non facta sine lege;
vel ratione. Apud Theologos, & Juris-
peritos, duplex est. 1. prout importat
dissolutionem matrimonii quoad thorum,
& cobitationem, remanente ligamine,
seu vinculo conjugali. 2. prout impor-
tat dissolutionem etiam quoad vinculum.
Et tunc matrimonium cessat in totum,
ad eo, ut quilibet eorum possit, si aliunde
impeditus non sit, transire ad aliud ma-
trimonium. Verum in hoc secundo ca-
su, quando matrimonium solvitur propter
impedimentum dirimens, non est tam ab-
lato vinculi (cum matrimonium jure
nullum fuerit) quam declaratio nulli-
tatis.

Bbb 3

Not.